

僧伽羅刹所集佛行經卷第四

典九

苻秦沙門僧伽跋澄譯

爾時世尊云何說道迹於彼說道迹時猶如

王大路謂之王路星宿謂星宿路此迹亦如是至涅槃者謂至涅槃路彼是等見處所等

志等語等命無有差違等方便不缺漏等念

無量等三昧色不變易緣彼若干色無有姪欲亦無塵垢結使永使不起無有色愛著亦無衆刺欲滅愛故亦無有泥欲除邪見故等見具足等滅結使故永不復起彼微妙果故現種種義欲除希望故無有衆想欲求出要樂故若干果成就無著要故等度彼名色於彼遊行故謂是道一無有二皆得至彼第一義處所爲緣一往者自心誓願謂一入爾時

世尊以第一辯而知道以能自覺知則不壞

敗所爲業勝無有亂想果報已獲得諸善根能覺悟彼衆生便說是道使至無爲於是便說此偈

所興衆生類 有道甘露法 佛有是功德
於世最第一 我於今自得 清淨禁戒具
爲人須論說 是故我拜首

爾時世尊知鷲崛鬢今應受化當於爾時無惡知識言論覺已便往彼道唯有一人存在血流盈路人皆證知飛鳥驚鳥處處散食時鷲崛鬢行如疾風若舉足時群鹿飛鳥皆悉驚怖馳走是時鷲崛鬢在闍梨園中左右顧視無所覩見唯見世尊端正無比紫磨金色方便所爲腰不傾仄身體極軟細行步庠序盡其力勢走逐如來後是時世尊不改舊行亦不能及爾時世尊便化此地使作坑渠荆

棘以是之故不能得及或有作是說以脚躡地以是之故不能及世尊或有作是說化無色四大眼識不可持或作是說佛功德不可

思議然後鷲崛鬚力如暴象無能當者然佛威力不可思議猶彼神龍那羅延億百千數

共九亦不能得近如來是時鷲崛鬚便作是歎曰見此未曾有便白世尊此意甚奇甚特便無

瞋恚害意作是思惟此是誰恩德此必是神人猶如此惡世我還此美猶如饑饉有利亦

如生愛念然我不能得及此必是善知識今

我疲極住遙語世尊言

當爲我身故 世所希見聞 今亦自見德

願當小留住

世尊告曰汝自不住方言我住於是鷲崛鬚

白世尊言

沙門自不住 我住言不住 云何我不住

願世尊具說

是時世尊告曰

無惡則是住 持戒護人長 如迦葉弟子

是故汝不住

彼本行少諸惡永盡流血汚體便解劍捨著

一面白世尊言

師今是我護 遭遇此聖師 求爲作弟子

不違師禁戒

爾時世尊作是故告曰善來比丘便說此偈

共九猶彼大海水 亦生煙火焰 未受降伏者

今應受我化 亦有善降伏 清淨而得度

亦爲我弟子 如是不受有 觀者皆怖畏

及諸妖魅神 是諸鬼神處 最勝便入彼

是時阿羅婆鬼聞彼褐陀披鬼語瞋恚熾盛

顏色變異瞋恚火起眼如赤銅聲響雷震無數瞋恚熾盛搖頭齧脣震動身體便作是語我於世間亦不見人民之類能來至我住處者懷智是狐疑何故彼人來至我所說彼鬼神名婆多者梨醯摩拔陀爲首二善雜使語彼

大鬼神言莫作是語佛世尊未降伏者能降伏之能安處衆生獲無上道皆使擁護有形之類如是不相應福田汝今麤言惡語不與相應時瞋恚大盛倍於前是時阿羅婆鬼喘息氣猶如火燄視瞻極惡便捨彼鬼界瞋恚所纏絡身體極黑顏色變易不與常同口出四牙髮黃如金上下相叉人血污其形皆濕不乾著師子皮著象皮著犛牛皮大華鬘如大火燄手執刀劍撞地而行皆破山岳移山林拔樹或起大雲曠覆大光明以水灑虛空

聲如雷震便自到住處欲得傷害世尊種種樹木皆悉焚燒色變易手執輪雷霹靂如是瞋恚觀察如來作若干變化求如來便時佛說此偈

衆生有畏想 我志不移動 今得解脫法無有恐怖心 處火不畏火 亦復不畏水諸懷惡念者 何能傷害我

爾時阿羅婆鬼聞世尊言便自息心不能得壞彼處恐畏人所不至便降雹雨於如來上蓋不墮地各散在餘處或復有墮如來身者皆化作曼陀羅華是時鬼神王見此力勢歎未曾有便發歡喜意於如來所便作是言速出沙門世尊便出彼鬼爾時欲試世尊便作是語還入沙門然世尊無怨恨心即入彼處如是至三廣說如契經於是世尊便說此偈

釋及諸梵天 無能動一毛 況復汝今力
堪任傷害吾 汝今捨瞋恚 有疑便時問
汝所有猶豫 我當事事解

爾時彼鬼便作是問人何者爲上廣說如契
經爾時於現法中便於如來所發歡喜心而
說此偈

未曾見有是 如此沙門者 誰能捨大海
而就牛迹水 當爲我身故 便作如是說
誰不飲此味 當捨甘露去 如彼有力士
爲水所漂溺 已拔瓦難處 安處無爲岸
善色無有比 智者之所觀 所有彼義者
能皆說此法 自今歸命佛 三寶最是尊
所以求願者 一切得濟度

如是聞摩竭國界五地大神於羅閱城而止
大勢羅他擁護人民車乘熾盛土地豐熟賢

聖人民皆處其中無與等者食如甘露三事
微妙亦無衆惱猶如彼難陀洹園諸天中第
一爾時佛世尊最爲無此時調達於世尊所
常懷瞋恚未曾休息所行非法以是瞋恚故
上耆闍崛山園觀熾盛樹木繁茂泉源清涼
手執石欲擲如來即便放石是時彼石無有
情念猶自能持漸漸墮地彼調達有是非義
種種鬼神輩持石欲使不墮金毗羅鬼在耆
闍崛山住以己之力彼石欲墮時便生是心
此雖惡業然我等夜叉以此之身當辦是事
亦使世尊受百千樂若我能爲此事者便說
此偈

心清淨無瑕 起於若干義 我今沒此身
無得害最勝

爾時調達便以石放如來上時於山上彼鬼

即以手接石有一碎石墮如來上受此報對
脚指血出調達受無量罪緣是果報當入地
獄是時石墮地時三十三天散華供養以空
解脫爾時散華覆塞虛空於彼受化講堂三
十三天晝度樹佛光明遠照無惱慢慈愍衆
生時拔羅墮時梵志以五百事訶罵世尊舍
利弗明肌奢等比丘歎如來是時如來若被
毀辱不以爲惑若復讚歎不以爲喜爾時便
說此偈

受苦心不移 猶安明不動 息意甚牢固
故拜首神仙 爲他衆生故 功德無有量
如父愛其子 誰不拜首者
曾聞如是世尊在摩竭國界是時世尊無量
功德具足到時著衣持鉢大衆圍繞諸根具
足觀察已身亦無衆亂行步庠序亦不卒暴

奧九

六

將諸無數比丘衆欲往詣彼當於爾時摩竭
國王有象名檀那波羅形貌極端正頭生三
磨聲響清徹意欲所至難可制持若聞異聲
便懷瞋恚若自顧見影亦懷瞋恚無能當前
者隨意所欲若彼戰鬪亦不毀其力亦不滅
少爾時世尊便入彼城却敵樓櫓埤堦皆悉
具足人民熾盛或有愁者或有歡喜者恐害
如來欲得親近如來是時禘婆達兜飲象子
使醉而放彼象是時調達放象已便說此偈
自稱有大力 及身十種力 今日已集會
盡當於此滅
爾時世尊無所畏懼便說此偈
伊羅鉢有千 無能勝我者 況當此小蟲
欲害人中上
我於爾時無是思想便說此偈

無欲之力勢 衆生有欲心 以除此欲報
亦不懷亂想

復次說此偈

我今雖破壞 大象甚牢固 我今降伏彼
一切世無上

來足上以舌舐足亦不可移動是時彼象便
懷此恐懼形體無有力勢不覺便利然後世
尊以此賢聖便說此偈

無有欲憍慢 世尊無此塵 時發慈悲心
必當生天處

爾時檀陀波羅熟視如來形顏色極黑見彼
卷九
象翹尾身體方正觀者皆懷恐怖奔走向如
來爾時諸比丘蒙如來恩力順如來教戒當
避此惡象各自馳走遠如來所唯尊者阿難
在如來後無數生常與如來共并既自不惜
身命亦不捨如來是時檀那波羅象瞋恚熾

如山不可動 況當勝瞋恚 以勝彼怨敵
猶伊羅鉢龍 有如是之德 力勢無有等
人中雄師子 盡當來拜首 如是衆生類
無有愚癡心 三界伏其名 覺意無與等

如是衆生類 亦有瞋恚患 志性皆休息
無瞋恚之心聞如來語即便涕零頭面著如
牢固稱遠布 智慧而瓊珞 心淨無所著

十力悉具足 是故當拜首

是時王猶如月虛空無有衆塵息心事皆辦
七神仙皆爲瓊瑤亦無有塵垢星自瓊瑤猶
如伊羅鉢所至處雲隨其後種種瓊瑤莊飾
其身於彼聞已猶彼神象遊行珍寶亦無狐

疑四部之兵人民自圍繞於彼象上舉火象

鼻攝持爾時世尊在羅閱祇城欲得見如來

便往至世尊所是時世尊見王斯須出領無

數衆圍繞王便作是念從遠來我宜當自護
便生是念已便告耆婆見已便作是語汝不

活我耶是時王須臾間顏色端正無比出入

之上華果茂盛亦無衆塵王部具足猶蜂王
音響不善生於彼園觀比丘僧前後圍繞遠

來欲見如來見已數數顧視耆婆告耆婆曰
處其中者爲是何物時耆婆奏彼王言此名

肉髻時王復問此自然耶爲非自然耆婆白

王言行果所種非今所造王報言復以何果
成於菩薩於本所生於本受胎本所造行本
所造身廣說如契經時王便說是頌

猶彼日光明 或有若干種 頂髻無有上

況復及餘相 顏貌已和悅 能仁無怯弱

已出此光明 照徹十方刹

時王便至佛所佛告耆婆曰云何當作是說
耆婆白王言於是天王能降伏憍慢者便得
豪貴處憍慢者便生卑處是時王便自息意

思惟是言便作是語此是福田我當行此業

耶如我豪尊云何當向彼禮拜彼無服飾我
今著王服天冠彼人雖端正心以休息衆相
具足無有醜陋彼相甚微妙猶如山不可移
動便往至門生歡喜心衣毛皆豎以出要心

故無欲之想頭面禮世尊足便作是說猶如世尊有如是色心意得正皆悉成就佛及比丘僧使我優陀耶拔陀羅太子亦復如是便問是義歡喜如是語亦說此偈

如海無有邊 風吹水則動 聖尊不可移

今觀人中上 帝釋來拜首 及諸梵天衆

我今當尊敬 自歸命世尊

是時闍提蘇尼梵志猶如純白華乘馬車弟子衆圍繞出舍衛國欲得試如來乃至車行處便乘車往即下車步入園中共如來漸漸論義在一面坐是時世尊所居之處不見有所有見如來顏色甚微妙無與等者亦無怯弱有轉輪聖王相見此身體眼觀知如是法如世尊法甚深微妙梵行亦無處所有如是大功德智者所歎譽而說愛欲無有牢要亦

無虛妄是時梵志便作是問云何尊自知行梵行耶爲非行梵行爲豎立諸根自爾智難可量是時世尊告曰若作是等說者說者亦不缺漏非不有力亦無衆行極清淨無瑕穢修梵行若有人語我等說作是說此義云何廣說如契經是時闍提舒尼梵志復問世尊云何爲缺云何爲漏云何爲行云何非不有力云何衆行極清淨無比有是梵行是時世尊告曰於是婆羅門當作是求愛欲更樂若有梵行者而自覺知苦樂觀眼色如是梵行^{卷九}₊如是初當求梵行設起想著彼名曰缺計彼衆數者名曰漏意所覺知者是謂非不有力無有塵垢意流馳於中起不淨意是梵行垢故故曰梵行廣說如契經婆羅門於我所觀皮所覆中不淨聚選擇見其身我色愛已盡

復當於眼而觀眼色耶然婆羅門我觀更樂亦無有行豈當有更樂耶欲染著於更樂受此細滑然婆羅門我觀一切無常豈欲不盡有染著之意耶若婆羅門於此諸法我亦不觀此若男若女皆悉分別云何當起女欲想流馳著彼若復婆羅門彼無男欲想復不與女想相應而起欲想耶猶如婆羅門彼有限齊得出要樂何當憶本所造行耶然後婆羅門諸非義生欲拔濟苦惱出家學道以此誓願而修梵行有七事故不與梵行相應無缺漏亦無衆行廣說如契經若復婆羅門衆生有亂想著不離愛欲於彼衆生類云何當作是觀諸有淨想著於此身內盛臭處欲皆盡猶如婆羅門以水和乳猶知有此乳此合會愛欲亦復如是當作是察筋骨相連內盛臭

集光
穢有何可貪猶如婆羅門嬰孩小兒先與甘味著口後飲以苦此亦如是合會起欲想能忍欲苦相種種若干百類猶如新死犢子觀其皮乳得多形置其母前母謂子活故乳不竭此亦如是諸死境界等越度彼觀其相貌便起染著之意猶如婆羅門飢渴之人夢食甘饌飲食便歡喜踊躍然彼人亦無所食此亦如是諸愚癡人貪著於欲猶彼夢無異合會生其念然彼人實無趣善行若男女若有衆變易於是便說此偈

此是非真法 欲怒何可貪 梵志當善觀苦本難可拔 親近道最要 當斷愛欲意賢聖八品道 爾乃至善處

是時五人遙見如來見已便相告言彼人向此來本所爲事今亦不辦廣所見聞隨意所

食無有忌難種種勤苦行迷惑未成道術廣說如契經爾時世尊便作是念愍此愚惑人自作制限彼制限者無有恭恪心於如來所爾時世尊以至彼人所即於淨地坐縛由何生欲療治病爾時佛語五人云何汝等而作是語更互乞食與說深法是時五人不受教誠此法甚苦覺知是時語世尊言汝本六年勤苦學道日食一麻一米猶不得道況今隨心口自恣言得道耶食甘饌飲食被珍寶衣隨意所欲自養其身是時世尊告曰云何汝等比丘觀如來顏色有變易耶諸根心寂顏貌端正如今顏像與本容色豈不異乎彼境界過去彼答曰如今端正而無有比世尊告曰若本不得是甘露者誰當於此三千世而得甘露亦聞天河須倫於大海中須彌山底

而得甘露此亦如是於此三千世以勇猛意得智甘露味此甚奇特世未曾有百千劫所造行息心最爲妙遠離名色解脫自在甘露味甚深爲彼衆生故而說其法忍其勤勞未曾辭憚爲一切結使故不起塵勞欲開心智故處母胎以此生死故而究竟其原無滅故不可盡有常故法無寡無憂感故樂也欲滅結故更不造新大神仙衆所歡譽已衆成就然我所行勤苦爲一切萌類故今當說法是時世尊圓光七尺顏色如安明山三世所宗重一切智所說無所罣礙如是比丘是謂爲苦本成就阿維三佛廣說如契經天人所歎光明無有盡是時日晉不現復以此人或以身著微妙衣裳至如來所或著天衣至如來所皆垂天冠種種色不同或瓔珞而墮地者

飢虛於世尊甘露是時便說此偈

世尊亦無生 饒益天人衆 如食甘露味
終無飢渴患 今日十種力 生時世稱歎
當飲深法味 已至解脫界

爾時如是衆行觀察苦賢聖諦本初受胎之

苦爲從何生 永處幽冥不見燈明以是之故

典元

十三

生爲最苦觀此苦相生爲長苦無所堪任長
爲業苦當筋力成辦有所希望苦意無厭足

欲有所求不獲爲苦不充希望所獲爲苦若

若干方便欲使不失以護漸漸磨滅爲苦若

千衆惱悉至已得度彼岸難有内外人共譁

苦親族錢財皆散憶彼難忘苦不離愛欲諸

結使苦欲最爲苦以未滅故嗔恚爲苦罪行

不滅故癡最爲苦無照明故憍慢爲苦由意

熾盛自大爲苦無尊卑意朋友爲苦心不分

離故愛最爲苦味著無厭貪嫉爲苦心不開

解無戒爲苦由變悔故所見爲苦不見真諦

故然有一切結自色爲苦無所恃怙爲苦求

果報苦諸樹草木及四大所成共相繫著起

諸因緣內四大苦若干變怪諸陰持苦由自

然故諸入爲苦所休不離境界爲苦招致外

色苦痛爲苦燒形體故樂痛爲苦由苦而生

無苦無樂爲苦由境界生想最爲苦由衆生

有行識最爲苦緣彼而生老則爲諸根羸劣

病最爲苦四大不隨死最爲苦更受異形怨

憎會爲苦共親近心所欲不得此最爲苦亦

甚苦取要言之五盛陰苦常負重擔於彼所

趣處地獄爲苦燒炙身形畜生爲苦各相食

噉餓鬼爲苦飢渴逼形人身爲苦種種非行

天爲苦福盡必終隨彼界墮三惡趣欲界爲

苦愛欲纏絡色界無色界亦無有智皆悉爲苦如是爲三苦逼皆悉攝持爾時以身意行故或以一行而造苦所造行皆悉爲苦如是衆苦無有休息因緣不盡當覺知色如是愚者之所爲然須陀洹究盡其原斯陀舍少有^{典九}不盡毛髮之餘阿那含當除至^{十四}阿羅漢永盡無餘爲世現照明爾時世尊三耶三佛爲衆生類作大覆護便說此偈

無數百衆行常造苦惱業以懷此色難現在有此證彼實是無常解本皆悉空自然法所立常當自覺知

是時云何復生此苦所謂自相境界五根具足若彼自相境界相應智迴轉是故極清淨愚者所不學不與智慧相應復有利根愚者謂之盲冥世尊與諸聲聞本所造行智慧善

根自相合會相如所修苦賢聖諦皆悉觀察云何當觀此生死苦知有苦賢聖諦悉無常牢持而不捨皆悉同一起如是心於苦而觀苦彼最爲妙於苦觀空最初微妙等度彼處苦觀空時彼皆是分散之法自然觀察如是於苦觀無我彼智信所成最初有是頂法善長益數數求方便等智功德無所希望三昧林不缺漏外塵永盡亦無所著以想思惟故除去塵埃一切境界苦無所敗壞除去有愛亦無所畏亦無暴亂顏色和悅自觀境界於^{典九}彼現光於三世起大燈明欲害彼結拔濟惡趣爲彼衆故無彼此心亦不懈怠得甘露味分別彼章等度生死故流轉四境界欲照明彼衆生故勤行苦行周窮一切亦無處所亦無顛倒除去顛倒者甚深難可測於是便說

此偈

若眼有苦時 清淨無量念 無味極鮮明
人之所歎譽 彼如是之智 音響相娛樂
觀佛十種力 護世衆生類 如有見禁戒
如來所長益 執志如金剛 分別一切空
若拔愛根本 亦無衆苦惱 當拜首息心
最勝無有比

當云何觀察世尊所謂有如是無漏智慧彼
觀道場處所亦見力勢爲世故觀世光明於
其中間所修苦行皆悉觀察彼衆生觀慈
悲心欲使安隱彼無量勤苦觀如是苦行於
異境界而自觀察於大衆中觀如來說微妙
法令分布義觀其握法若法眼清淨亦觀彼
法身無有衆生想若復作是觀亦不言禁戒
曾聞尊者名優波斯有弟子名鉢摩迦往詣

摩鎰羅境界於彼止宿彼到時著衣持鉢廣
說如契經人未曾見不解彼威儀便入婬女
村中彼婬女見此比丘年少端正身無塵埃
見懷歡喜欲意熾盛時彼比丘便入婬舍觀
如是結使不欲造結使如是穢解脫法速得
此法果是時比丘便作是語而說此偈
欲如彼毒藥 欲爲不淨行 欲爲壞婬色
隨人入惡趣

作是說已便退而去彼人婬意熾盛爲彼比
丘故便結旃陀梨呪術語彼旃陀梨如是之
義是時旃陀梨莊嚴此女人化作村落之處
興九
致比丘來汝觀察此處猶彼釋提桓因宮殿
無異廈堂高廣亦無有比莊嚴卧具無數衆
色在彼廈堂上所卧之處文繡綻縷坐禪觀此
地處種種華香而散其上一一周帀種種青

蓮芳蘭而生其邊作如是觀便作是結呪祝語比丘言此極微妙可共娛樂時鉢默比丘報言我盡觀此亦當觀餘旃陀梨言餘何者是鉢默報言

我今觀果實 欲最第一苦 終當入地獄受彼餽湯惱

是時旃陀梨報言止止比丘莫語我作是言鉢默比丘報言此語是愚癡欲眩惑我我不與爾同彼旃陀梨見已便作大火坑無有塵曠時鉢默比丘報言我已見此火坑旃陀梨報言若不欲親近女者不如入此火坑死是時彼比丘便作是思惟此火雖恐懼避火親近欲者然欲熾於大火設犯欲者後受罪無量寧今日入此火坑不犯此欲然我師神通無比云何當違師教以是之故當入火坑而

死不犯欲而生今俱捨二事云何於三世如來立禁戒今我當犯以是之故入火坑而死如是思惟已欲持僧迦梨鉢以施彼人時旃陀梨報言用是衣鉢爲鉢默比丘報言

今此諸梵行 持我衣鉢施 諸有集聚者持我語告彼 比丘名鉢默 遭此厄難處今投火坑死 不受彼欲愛乃至彼二人俱出家學道廣說如契經是時復說此偈

世修善雖少 思惟憶不忘 亦不受彼欲欲度衆生故 況復開甘露 世尊一切妙云何造功德 彼智隨時興

爾時世尊云何周旋來往覺知生本所謂於此等語有二種風形體功德心意所覺是謂二風彼形體風者生諸愛念意所覺者猶如

華敷鮮明淨潔猶如彼風觀見解脫所爲事
勝猶雪成水此心雲亦復如是攝持內外境
界有清涼風起覺知彼意彼持無量不破壞
有六境機關外爲四大所使四大根力所繫
彼有軟風起漸漸有智生亦如彼舉足時皆

是本行之德不失本所爲之相蹲骨所行來
往皆有火起於一切骨屈伸卷舒筋脈漸緩
有所希望若復視瞻開目閉目內身根更樂
漸漸熾然隨彼來往若復食歟屈伸卷舒皆
由形所造及餘心所造行依彼煖風除去顛
倒風亦吹落脣齒聲響本意所造一切種子
法然彼風處所有勝皆有此語有如是聲響
彼作是說不爲福云何不爲繫縛我作是說
有此機關外有壞敗內有衆行不作是時便
有盡便有長養猶如智車於此見截緣如是

豪貴法緣依彼時想顛倒是便說此偈
此甚奇甚特 覺知空無智 展轉相依倚
機關最爲要 亦不觸彼意 身意所依倚
有如是衆事 眇惑爲微細

是時世尊爲梵行云何梵不亂不從彼學獨
遊無侶於人中功德威儀最爲微妙無著於
一切衆生所爲之業無能及者衆生無有量
依倚一切微妙之法法自然故一切智不可
壞成大要道所欲成就必果無疑諸功德具
聲聞圍繞生一切德一切微妙爾時世尊於
彼衆少形體最第一衆德成就除幽冥世無
所著三世無著棄諸結使得大慈悲心無亂
想已度彼憂畏之處至安隱處長夜降伏其
心自得授彼於是便說此偈

梵行最爲妙 慈功德成就 若彼聞此教

天人皆拜首 於正法無二 彼樂亦無二

必當成聖賢 是故拜首聖

爾時佛世尊三耶三佛忍地最爲微妙除諸
結使亦無所著火所不燒所悟事勝風亦復

勝功德無畏大衆成就爲衆重擔甚深相應

不可思議猶如師子無怯弱心顏色和悅爲

彼外學故已修無著猶如蓮華無所染污自

依衆故自破壞意所希望亦復能辦拔諸結

使故衆最爲妙倍種種相生受取爲妙若自

求於一切生爲妙當拜首最福田所擁護人

民王最第一不作是觀彼義甚深捨衆穢法

月最爲勝分別諸法毗沙門爲第一聲響清
徹師子吼最第一欲種良福田有增上學捨

一切田業釋提桓因爲第一一切世間功德

爲第一示現涅槃道亦爲勝愍護一切衆生

解一切縛爲妙於是便說此偈

如來之功德 一切普悉備 止住釋種家

猶海集衆寶 及餘佛法衆 充滿三世界

欲求往彼岸 當從如來取

是時世尊爲人中師子雄希望於一切智色

和悅咽喉功德無比佛法功德有四神足甚

安詳去離麤獷之言直身正意衆智具足眼

爲清淨根萌芽分別衆法稱揚其德未知智

猶雨甘露難可沮壞十力具足勇猛超彼覺

知一切所趣而往救濟大慈悲禪解脫四等

未曾缺亦無愛欲味觀食而食得無所畏降

伏彼衆彼猶如師子鹿王鳴吼之時其聞聲

者皆馳走四趣止谷趣谷止穴趣穴鳥飛虛

空此亦如是若聞無常聲此凡夫人及長壽
皆懷恐怖於身見皆馳走而去猶如彼龍象

聞師子聲不覺便利或絕韁靽走諸有長壽
色界諸天亦復如是聞無常之教味著所樂
各有此戀愛心爾時世尊爲師子鹿王意悉
無恐懼成其道果亦不退轉觀者皆歡喜止
觀微妙知彼功德無有愚惑於是便說此偈

共九

二十

猶彼師子吼 聞者皆驚愕 以智分別法
種種有別名 於生死恐懼 佛德不可議

是故拜師子 師子王中王

僧伽羅刹所集佛行經卷第四

音釋

𠂇	衣嫁切	躡	昵𢵤切	厓	是規切
	𠂇也	躡	蹈也	𡇱	山嶺狀
塊	塊研計切	埤	𡇱女亮	𡇱	𡇱詣切
城	城上垣也	釀	恪克各切	𡇱	𡇱匹
他	亥雅切	𡇱	謹愿也	憚	憚徒案切
厦	大屋也	綽	統於阮切	熒	熒難也
	綽縷也	綽	綽如空切	絅	絅縗絹切
轄	轄居良切	𦥧	幻切		
絆	絆博漫切				
也	絆繫也				
轄	轄連各切				
也	轄驚也				